

根本說一切有部毗奈耶雜事卷第十四 賤四

唐三藏法師義淨奉 制譯

第三門第四子攝頌之餘

緣處同前時給孤獨長者每於晨朝往逝多
林禮世尊足禮已掃寺內地後於一時長者
他緣不遑入寺世尊經行見地不淨起世俗

乙

心作如是念如何令彼帝釋天王從香醉山
持筆來至諸佛常法起世俗心乃至蟻子咸
知佛意若起出世心聲聞獨覺尚不了知況
餘能測時天帝釋既觀知已便作是念大師

何故起世俗心乃見世尊躬欲掃除逝多林

地既知佛念便詣香醉山中取五百上妙掃
筆輕柔如綿至佛前住尔時世尊意欲令彼
樂福衆生於勝田中植淨業故即自執筆欲
掃林中時舍利子大目乾連大迦葉波阿難
陀等諸大聲聞見是事已悉皆執筆共掃園
林時佛世尊及聖弟子遍掃除已入食堂中
就座而坐佛告諸苾芻凡掃地者有五勝利

云何爲五一者自心清淨二者令他心淨三
者諸天歡喜四者植端正業五者命終之後
當生天上後時給孤長者來入林中聞佛世
尊及大弟子躬自執筆遍掃林中便作是念
如來大師及諸聖衆躬自執筆掃逝多林我
等云何敢以足蹈時彼長者情懷愧悚立不

敢前佛知故問諸苾芻曰立者是誰苾芻白
言大德彼是給孤長者聞佛世尊及大弟子
各親執筆掃逝多林情懷愧悚當處而立不
敢前行

佛告長者口誦經法當可前行由佛世尊敬
重法故諸阿羅漢皆尊敬法長者即誦伽他
行詣佛所禮雙足已退坐一面尔時世尊爲
說妙法開示勸導讚勵慶喜是時長者聞法
踊躍奉辭而去時諸苾芻咸皆有疑請世尊
曰希有大德自於正法生尊重心讚歎恭敬
佛言今者如來離染瞋癡遠生老死無憂悲
苦具一切智於一切境皆得自在於法尊重

讚歎正法未爲希有汝等當知我於往昔具
染瞋癡未離生老病死現有憂悲苦惱爲法
因緣捨自身命汝今善聽我當爲說乃往古
昔婆羅痆斯城中王名梵授以法化世人民
熾盛安隱豐樂應說如餘

時梵授王深信正法稟性賢善自利利他憐

默四

二

愍一切常行惠施有大慈悲離染著心曾無
慚惜後於異時王大夫人忽然有娠便生異

念求聞妙法夫人白王王命相師問其所以

彼白王言由大夫人所孕聖胎遂生是念尔
時大王即爲求法便勅大臣盛金滿箱周遍
國界奉金求法竟未遂心月滿生子顏容超

絕衆相具足廣說如餘王作是念此兒端正
人所樂觀未生之時已希妙法宗親共集與
作何名大臣白言王子未生已希妙法應與
立字名求妙法王令八母乳養供承廣如餘
說乃至如蓮出水年漸長大常求妙法竟未
遂心王崩之後自紹王伍告諸群臣卿當爲

我求於妙法群臣受勅即持金箱遍贍部內
處處求訪無法可得臣白王言在處遍求無
法可得時求法王不滿所願常懷憂惱時天
帝釋觀知王心爲求法故而懷憂惱即作是
念王雖如此真僞未知我應往說遂即變身
爲大藥叉舉手張目形容可畏至王前立使
說頌曰

常修於善法 不作諸惡行 此世及後生

寤寐常安樂

王聞此頌心大歡喜告藥叉曰仁者當重爲
我說此伽他時彼藥叉即報王曰王用我語
我當爲說王曰唯然願爲宣說隨意無違時

默四

三

藥叉曰大王若實樂法者可作火坑七日七
夜燒炭猛燄投身入中我爲重說王聞斯語
倍增欣躍報藥叉曰此不敢違王即宣令遍
告國中我爲樂聞妙法七日之後當入火坑
一切有緣樂希有者可來觀我既宣勅已舉
國皆知無量衆生至期咸赴由王重法至誠

所感於虛空中復有無量百千諸天鼓樂弦
歌香花供養慶希有事重王至誠悉皆來集
時彼藥叉七日既滿便昇虛空告菩薩曰所
期已至可入火坑尔時大王遂立太子紹繼
王位普召群臣咸乞歡喜共爲辭別漸近火
坑臨岸而立即說伽他曰

如是炎熾大火坑 紅燄如日令人怖
我今歡喜投身入 爲法曾無悔懼心
今我雖處火坑中 決定當求希有事
願此福利資含識 猛火變作妙蓮池
尔時大王說伽他已便自投身入火坑內放
身纔下時大火坑變作蓮池清涼可愛是時

菩薩身無虧損時天帝釋見其希有人天歸
敬復帝釋身即爲彼王重說前頌
常修於善法 不作諸惡行 此世及後生
寤寐常安樂

尔時菩薩受斯頌已即出池中書之金葉遍
贍部洲城邑聚落咸悉告知昔令修學汝等

苾芻勿生異念往時求法王者即我身是爲
求法故委棄身命何況今時於勝妙法不生
尊重是故汝等應當修學我於妙法恭敬供
養尊重讚歎如是誠心依法而住自利利人
法皆具足苾芻聞已歡喜奉行

如世尊說若掃地時有五勝利時有老宿苾

芻弃禪誦業入逝多林皆親掃地佛言我於
知事人作如是說非諸耆宿苾芻修行業者
然於我所依善法律而出家者有二種業一
者習定二者讀誦苾芻聞佛爲知事人密作
是說其知事人不能遍掃逝多林地佛言隨
要當掃若月八日或十五日應鳴犍椎揔集
賤四

衆僧共爲灑掃時諸苾芻旣奉佛教於掃地
時談話俗事遂使護寺天神及非人類并餘
衆聞說戲論生嫌憊心佛言不應尔應說法
語或聖默然時諸苾芻旣掃地已塵上全身
不信敬人見生嫌憊佛言旣掃地了除去糞
穢應可洗身若不洗者以水濕手拭去塵坌

洗手濯足如常所爲佛言每至八日十五日觀察牀敷苾芻揔作佛言不應余可令弟子詳審觀察恐有蟻虱及以汙穢如佛所言見淨掃地誦經而蹈者苾芻灑地然後淨掃作曼荼羅餘人見時不敢足踏佛言應誦伽他踏過無犯勿生疑惑如是應知諸香臺殿幡竿制度如來形影皆誦伽他然後足踏若不余者得越法罪

余時北方有一國王送二童子與勝光王以爲國信一名馳索迦一名波洛迦其馳索迦能作飲食波洛迦解敷牀座凡邊國人性多饕餮每因遊行便入市中取他魚飯隨意而食余時食王即便苦打時二童子還至王所白言大王我向塵中少取魚飯時被家人苦打於我極困幾死王聞語已勑告市人汝等當知所有飲食自須掌護我此二童不應輒打後於異時王罷朝已暫爲偃息時二童子各在一邊爲王按摩搖動王足見王不語一

賤四

五

云王睡二云如是王聞起念豈非此二有私語耶遂便佯睡伺其所說時馳索迦告波洛迦曰世間頗有阿羅漢不馳索迦曰世間無有阿羅漢果時王聞彼二童語已便作是念此二童子俱起惡見一是斷見一是邪見王告大臣大臣轉語遂令國內遠近咸知王二童子是邪惡見人時給孤長者於大衆中分明告示震師子吼作如是言若於我舍而命終者必得生天王聞語已作如是念長者若來此二童子我當付囑後於異時給孤長者來至王所自將小童持其坐物既置座已余時童子即便出外與餘童子共爲戲樂小童去後王作是念今正是時以二童子用相分付即便竊告守門人曰長者童子勿使入來門人奉教不令其入長者坐久心念還家從座而起顧眄使童王言長者何所顧耶白言大王我覓使童王言長者我有二童今付

長者可領將去彼觀王意俛仰而取復作是念何因大王付我二童後思此二先是惡見王今試我令遣將去是時長者即共還家既至家已命掌庫人曰此二童子所須之物悉皆給與又復告彼市肆諸人若二童子有所須著君可與之明書價直我倍酬還時二童子至掌庫所求索所須皆隨意得告掌庫者曰我所求覓君皆與耶答言盡與童子復問誰遣如是答是長者二童相謂長者於我父母無異我所求者皆悉無違復於異時相隨及市諸人遙見皆喚二童汝來我處隨意所食二童報曰昔時遙見各掩食盤今日遠觀悉皆喚我非無所以幸爲說之諸人答曰汝昔強食一無酬直今時長者倍還其價我等緣斯故相命食二童聞已復相謂曰長者慈悲深見憐愛還白長者若有作業幸當見付報言且住後當令作後時長者將彼二童入遊多林俱持篋帚令掃僧地長者有緣須還

殿四

六

本宅告二童曰我緣須出汝等且留淨掃寺中屏除糞穢作是事已方可還家地既淨已欲除糞掃佛神力故令糞無盡時此二童孝敬於主竭誠用力除糞不停少時佛告阿難陀曰爲此二童應留殘食時阿難陀留殘命食二童作念要除糞了我當還家而不食此聖者殘食佛以神力除東畔時西畔還在除西畔時東畔還在如是艱辛至日將暮佛告阿難陀今此二童當近汝宿汝復遍告諸苾芻等我先所說善事當隱惡事顯露欲令二童捨惡見故宜現其善汝等苾芻有得定者如定而往至於初夜時阿難陀宣佛教已時諸苾芻即於初夜或放光明或現奇相二童見已告阿難陀曰此是何物阿難陀曰彼是阿羅漢現諸神變時二童子白言聖者於世界中有阿羅漢耶阿難陀曰豈汝二人不自親見何所致疑然此二人先起邪見謂無應供今見神通邪見便息心生正見佛於

中夜起世俗心如何令彼釋梵諸天咸來至此廣說如上時諸天衆觀知佛心咸來佛所由彼威力有大光明二童見已問阿難陀此是何光答曰此是梵釋及餘天衆來詣佛所現此光明問言聖者有他世耶答曰汝既親見何所致疑彼二童子先時邪見謂無後世

時四

今見天衆即於此時生正見心深自慶幸俱詣佛所頂禮雙足退坐一面尔時世尊稱其根性說四諦法示教利喜令得開悟以金剛智杵斷二十種有身邪見山證預流果既得果已重禮佛足白言世尊我今願於如來善說法律出家近圓成茲芻性動修梵行世尊即便命言善來默索迦波洛迦汝修梵行時彼二人於佛言下鬚髮自落瓶鉢在手如初剃髮經七日來進止威儀同百歲者頌曰世尊命善來 髮除衣著體 威儀如百歲隨佛意皆成

爾時世尊親教授彼二茲芻精勤無倦未久

時間得羅漢果廣說如餘乃至梵釋諸天所共敬重

爾時世尊度默索迦波洛迦令出家已勝光大王既聞是事情生嫌耻如何世尊度此邪見令其出家斯非善事由彼邪見人所共知世尊聞已作如是念於我衆中聲聞弟子

諸惑斷盡功德尊重同妙高山如何國王生輕慢想斯成大失我今宜可彰彼二人有殊勝德時給孤獨長者來禮佛足在一面坐聽佛說法示教利喜于時世尊默然而住長者即便從座而起合掌恭敬白言世尊唯願大師及諸聖衆明就我家爲受微供佛默然受

長者知已禮佛而去

爾時佛告阿難陀曰汝今宜去告默索迦波洛迦曰汝等二人明日宜應至長者家爲衆行水于時尊者奉佛教已至二人所具陳佛教時彼二人奉佛勑已報言尊者如世尊教我當奉行便作是念何故世尊捨諸耆宿及

以中年於我二人曲爲願命令我行水豈非
世尊欲於我所彰其勝德我等宜應滿世尊
願爾時長者即於其夜具辦種種淨妙飲食
所謂五噉食五嚼食即於晨朝敷設牀座及
盛水器莊嚴已訖遣使白佛飲食已辦唯願
知時

感四

八
爾時世尊著衣持鉢與苾芻衆詣長者家至
其食處就所設座及諸大衆悉皆坐已是時
長者復遣使人白勝光王曰我於今日在自
家中請佛及僧微設供養唯願大王暫來隨
喜時王聞已便與太子及內宮人扈從相隨
至長者宅共申隨喜既至佛所禮足而坐

洛迦手持瓶水後更尋水至上座邊見默索
迦持瓶而立極生希有長舒右手出讚歎言
希有佛陀希有達摩善哉正法能於現世令
默索迦波洛迦等捨罪惡見證獲如是殊勝
之德時彼長者既見大衆悉坐定已便以自
手行諸飲食大衆飽已洗手漱口嚼齒木已
屏除鉢器即取小席親於佛前長跪聽法
九
爾時世尊爲勝光王及大長者隨機說法示
教利喜從座而去

時諸苾芻至住處已咸皆有疑請世尊曰大
德此默索迦波洛迦曾作何業生在邊地一
是斷見一是邪見又作何業於佛法中而爲

感四

九

爾時具壽駄索迦於上座前立手執瓶水神
力加持令所注水從上至下次第洗手爾時
具壽波洛迦於下座前立執淨瓶水神力加
持亦令其水從下至上次第漱口時勝光王
見是事已便作是念斯何耆宿大德苾芻親
於佛前敢現神力即起尋水至下座邊見波

出家斷盡諸惑得阿羅漢佛告諸苾芻此之
二人自所作業果報成熟廣說如前乃至果
報還自受之汝等諦聽乃往古昔此賢劫中
人壽二萬歲時有迦葉波佛出現於世時此
二人投彼佛法而爲出家二人爲伴往詣邊
國無教授師自修禪定實無所證作證解心

臨命終時誹謗聖法生邪見心作如是語迦葉波佛誰惑世間斷盡煩惱得阿羅漢我於諸惑不能斷盡何有餘人得阿羅漢汝等苾芻勿生異念往時二人無師習定者即默索迦波洛迦是由謗聖法生邪見故經歷多時墮於惡趣復於多生常處邊地起邪見心乃至今身還生邊地起邪見心由彼二人讀誦受持蘊界處緣生道理及處非處悉皆善巧

由斯業力於我法中出家修行斷盡諸惑得阿羅漢無師習定有如是過是故汝等不應無師輒自習定若輒學者得越法罪

緣在室羅伐城有一長者於蘭若處造一小室時有苾芻於此而住時屬春陽為熱所逼形色萎黃瘦損無力欲移住處住白長者仁當守護我欲他行長者問曰有何闕少而欲他行苾芻答曰我無闕乏然為時熱室小難居長者答曰若畏熱者為造地窟答言長者佛未見聽苾芻以緣白佛佛言須地窟者隨

至今身還生邊地起邪見心由彼二人讀誦

柱以丁釘之

第三門第五子攝頌曰

石鹽安角內 藥器用氍毹 安替誦經時
以物承其足

緣在王舍城竹林園中時具壽畢隣陀跋蹉從出家後身常抱疾有同梵行者來相問訊

贊四

十

言上座四大安隱不答言我患寧有安隱復問上座比來曾服何藥答曰曾服石鹽若尔今何不服答言賢首佛未聽許苾芻以緣白佛佛言我今聽諸苾芻應畜先陀婆鹽苾芻隨處安置遂令銷滅佛言不應如是隨宜安置應可畜須便安竹筍亦還銷失佛言應用

意應你長者為作至夏月時復多濕氣便不堪住後白長者我欲他行同前問答然為地濕痰癆病增不堪居住長者答曰若如是者為造大舍苾芻告曰世尊未許苾芻以緣白佛佛言任為大舍長者便造以無簷故柱危欲破以緣白佛佛言安簷若恐摧者應安邪

角筈安鹽於內遂用新角更令臭穢佛言應

用牛糞水煮洗乾無損佛言石墮應安角中者不解安蓋塵土便入併言著蓋苾芻不解佛言還應用角時畢隣陀跋蹉因患問答同前須畜藥椀佛言應畜

緣在室羅伐城時有長者娶妻未久便生一息年漸長大遂於善說法律而爲出家但卧空牀未有氈席長者後時入寺遊觀便見其子但卧單牀更無氈席告言聖子自餘苾芻皆有氈席汝何故無答曰諸人多是宿舊出家先來貯畜我新捨俗由斯未有答言若尔我舍有好氈能可用敷卧答言佛未聽許以繩白佛佛言聽用毘能苾芻即便不以物觀赤體而卧遂多垢膩長者入寺見其垢惡便不識認問其子曰更得襍耶答言舊物又言因何垢汙以至於此答曰爲無觀替致令汙染父曰此貴價物令其損壞汝今宜可安替而用苾芻以緣白佛佛言雖是私物亦應安

覩若不著者得越法罪

緣處同前佛言應誦經者可昇高座其人坐師子座下垂雙足致有勞倦佛言應作承足牀苾芻不解佛言若座不移動應以勲作若移轉者可用版爲雖以版作移舉時難可於四角各安鐵鐸隨意擎去時有求福苾芻及信心俗族於足跌上塗以香泥時誦經師不敢足蹋佛言以草及葉替而方蹋勿致疑心緣處同前佛言作承足牀林中苾芻此物難得垂足勞倦以緣白佛佛言以石支足

第三門第六子攝頌曰

拭面巾疎薄 唾盆并觀體 鐵槽砌墓地

日光珠浣衣

緣在王舍城畢隣陀跋蹉身常抱疾頭面垢膩問答同前乃至上座先持何物答曰持拭面巾今何不持答言佛未聽許以緣白佛佛言有病無病應持面巾緣處同前畢隣陀跋蹉苦熱身黃問答同前

乃至上座先持何物答曰持疎薄衣今何不持答言佛未聽許以緣白佛佛言熱時應著疎薄之衣

緣在室羅伐城時有苾芻苦患瘻瘍於牀兩邊弃其涎唾令不淨潔天將欲曉門人入房禮問安否湆唾汙額苾芻見問即以事答苾

芻曰我試觀之便入房中見其湆唾牀邊狼藉告諸苾芻共生嫌耻云何苾芻於僧房中湆唾不淨以緣白佛佛言非是合棄湆唾之處不應輒弃若在闇中不頭扣地而爲禮拜須致敬者口云畔睇但有請白咸應如是若患傷寒涎湆流出應以器承著器物時致有傾側更多穢汙佛言可安支物彼置圓繩然猶傾側佛言其承唾盆及洗口器形如象跡底凸向內置地安隱棄唾水時即便却出佛言盆內安物苾芻不解佛言應截草置中或安沙土等有多蠅附佛言應肩去之盆有臭氣佛言時時應洗洗已不曬致有虫生佛言

曬乾復有苾芻涎唾不止待器乾時事便廢闕佛言應畜二盆更互而用苾芻簷下讀誦經行若湆唾時隨處棄擲佛言不應尔棄者得越法罪然於寺中四角柱下各安唾盆若有唾者可棄於此

緣在室羅伐城時有苾芻名曰毛血昔於五百世若生若死常處地獄後生人趣處在居家常好嚴身戲樂無厭不思地獄後於異時在佛法中出家修行見佛說法於三藏教說地獄苦傍生餓鬼人天差別聞地獄時極苦現前身諸毛孔並血流出衣裳點汙常有臭氣苾芻以緣白佛佛言如此苾芻應畜襯身衣苾芻即便披在衣外遂生譏醜佛言應在內披其身瘻瘍將此衣揩佛言不應如是若有濃血當以樹葉作湯徐徐洗除其襯身衣時時浣滌曬曝令乾

緣在王舍城具壽畢隣陀跋蹉身常抱疾同楚行者問答同前乃至上座先持何物答曰

賤四

十二

曾持鐵槽安藥湯浸若尔何不持用答言佛
未聽許以緣白佛佛言病者當畜鐵槽
緣在室羅伐城時諸苾芻於夏雨時旋遶制
底有泥汙足佛言應可布敷上以碎軛和泥
打之復安礮石灰泥塔大難遍佛言應齊一
尋此亦難辨佛言安版復更難求佛言步步

賤四

十三

此欲奪其珠問珠何處苾芻示珠賊取而去
苾芻患寒至長者所報言我寒具如上說長
者曰珠在何處答曰有賊將去長者曰此貴
價物不密舉掌令賊將去深成可惜苾芻以
緣白佛佛言此之貴珠不應示賊應與其火
如火光珠月光亦尔

安輒苾芻寺門及寺內地多有泥陷佛言如

上所作准事應爲

緣處同前有一長者於靜林中造一小舍苾
芻寄住時當寒節苾芻觸冷身形羸瘦來告
長者曰我欲他行答言聖者有所關耶答言
無乏但爲苦寒長者曰仁住於此我與日光
珠今常得火答言長者佛未聽許答曰佛大
慈悲必聽受用苾芻以緣白佛佛言若須日
光珠者聽畜隨時出火長者便與苾芻受用
時有五百群賊欲打小城過苾芻處告言須
火報曰現無賊曰何方得火答曰賢首有日
光珠能出於火便示其處賊去破城迴至於

緣處同前六衆苾芻令浣衣人洗濯衣服時
浣衣者多得他衣洗完未了時鄖波難陀至
日晡後便持故衣詣洗衣處報言爲洗答曰
現有多衣明當爲洗便生忿怒彼言勿瞋可
留而去我今爲洗即便留衣與衆多衣一處
同浸遂令赤色染壞他衣彼見愁惱掌頰而
住多人來見皆共譏嫌苾芻以緣白佛佛作
是念由浣衣故生衆譏嫌告諸苾芻曰鄖波
難陀以赤色衣汙他衣物是故苾芻不應以
赤色衣令他洗浣作者得越法罪六衆聞已
便將白衣令彼洗滌彼便掇打令衣損破佛
言苾芻衣皆不應令浣衣人洗

緣處同前。六衆聞佛不許令他洗浣衣物。即

色上音

便持衣至浣衣處以物縛頭於池水邊自洗衣服衆人見譏苾芻以綠白佛佛言苾芻不應至浣衣處自洗衣服作者得越法罪

綠處同前艾芻便於大版木上擲打浣衣今
衣破壞佛言不應不應在盆中以燶水浸絲

徐自手洗濯令淨佛令手洗苾芻弱不能佛言
用脚時有手足皆悉不能佛言令他爲洗應

可自看

根本說一切有部毗柰耶雜事卷第十四 戊四

根本說一切有部毗奈耶雜事卷第十五 賤五
唐三藏法師義淨奉 制譯

第三門 第七子攝頌曰

拭身履蛇咽 石器生疑惑 治衣有多種
隨意盡伽藍

緣在室羅伐城苾芻洗已濕體披衣色壞兼

唐三藏法師義淨奉

制譯

音身孕反下全清門濯音齧餐
捷稚直利反下空反上清門濯音齧餐
九前下之錄中連反下幾死衣反同上
万反除然音麤從去聲戶跋蹠反上清木
何反用篤之然觀視初近反砌反七紐
反連反下正音凸徒結瘞瘞反上清木
反下扣地義苦反畔睇弟下音涎湊似上
音到反音皆上音應齊禮反掌類下古般打

積砂大藏經

根本說一切有部毗奈耶雜事

四

第六八冊